

الشيخ

سر ١٠٠٠ ١٣٣٠

والله يهدي من يشاء الى صراط مستقيم دینی، علمی، ادبی، سیاسی هفته‌ای مجموعه اسلامی در تبعون اهدکم سبیل الرشاد

صاحب رمبر مسئول: ح. اشرف ارباب

جلد ۱-۸

۲۸ حزیران ۱۳۲۸

نخشبته

۲۶ رجب ۱۳۳۰

عدد ۱۹-۲۰۱

نَفْسِي شَرِيف

بِسْمِ اللَّهِ الرَّحْمَنِ الرَّحِيمِ

يَا أَيُّهَا الَّذِينَ آمَنُوا اسْتَجِيبُوا لِلَّهِ وَلِلرَّسُولِ إِذَا دَعَاكُمْ

لِمَا يَحْيِيكُمْ وَاعْلَمُوا أَنَّ اللَّهَ يَحُولُ بَيْنَ الْمَرْءِ وَقَلْبِهِ

وَأَنَّهُ إِلَيْهِ تُحْشَرُونَ

ترجمه سی

«ای ایمان ایدن کیمسه لر، الله ایله پیغمبرک سزه حیات ویره جک دعوتنه اجابت ایدیکز؛ هم ای بیایکزه که الله انسانک کنیدی ایله قلبی آره سنه کیرر؛ شوده معلومکز اولسون که سز لر اونک حضورنده طوبی لانه جقسکز.»

آیت کریمه «يَسْأَلُونَكَ عَنِ الْإِنْفَالِ...» خطایله باشلايان انفال سوره سنه منسوبدر.

مسلمانلره حیات ویره جک دعوتی علمه، جهاده، یاخود شهادته قصر ایتمک موافق دکلدر. زیرا اوامر الهیه نک کافه سی یا طوغریدن طوغرییه، یاخود دولایسیله بزى اولومدن قورتاره جق؛ حقیقی، سمرمدی بر حیات ایله یاشاده جق ماهیته در.

اداسنه مجبور اولدیغمز فرائضدن نازکی، اوروج کبی، فائده سی یالکزه او امری یرینه کتیرنلرک شخصه منحصر کورونن، بدنی

عبادتلرده بیله بوتون جماعات اسلامیة ایچون بویوک منفعتلر واردر. اوت، ابرار اتمک خضوع کامل ایچنده قلنسان نمازلری شویله طورسون؛ آحاد جمعیتک یالکزه ارکان ضرورییه رعایت ایدرک ایفا ایدم جکلری دینی حرکتاریله، طبعیدرکه، کندیلرینی فحشیدن، منکراتدن، رذائلدن قسماً اولسون آلیقویار. شو حسابیه کوره افرادی نماز قیلان ملتک اخلاق عمومیه سی مضبوط اولور. صوکره، افراد ملتک معین زمانلرده عینی معبدلره کیدرک هپ بردن عینی قبله یه دونه لر؛ جناب حقه عینی لسان خشوع، عینی اطوار خضوع ایله یالوارمه لر بونلرک آره سنده کی رابطهی آله بیلیدیکنه تحکیم ایدر.

شوبسیط حکمتلری صایوب دوکمکدن مقصدیمز اوامر الهیه نک هپسندم کک فردلریمز، کک جماعتلریمز ایچون باشقه بولاردن تدارکی، تلافیسی قابل اوله میه جق قدر بویوک نصیبه فلاح اولدیغنی سویله مکدر. شیمدی آیت کریمه دن ریاضی برقطعیته شو حقیقت آکلاشیلور که: بزمسلمانلر دنیاده موجودیتیزی قورتاره جق؛ عقباده سلامتیمزی تأمین ایدم جک؛ حاصلی بزه هر معناسیله حیات ویره جک اولان شرع مینه صاریلماز سهق خسرا نمز، هلاکمز محقر.

اوج یوز الی میلیونلق انسان بیغینی نصل اولیورده صاغلام بر اثر حیات کوسترمیور؛ نصل اولیورده هر کون بیکلرجه افرادینک حق موجودیتنه خاتم چکیلیور؛ بونی بیلمیه جک نه وار! اسلام که دین فطریدر؛ اونک احکام بلندیسه عصیان، فطرتک لایتغیر قانونلرینه قارشى عصیاندر. بونک جزاسی ایسه دنیاده خیت، عقباده خذلاندر. ای معشر مسلمین، اوامر الهیه یی دیکله مه مکده برازدها دوام ایدرسه کز بوسبوتون محو اولور سکزه. الله سزه «علم اوکره نیک، قوت حاضر لایک، چالیشک، عدالتی دستور اتخا ایدک، بربریکزه

و بو اتفاق بر صحیفه یازیلهرق کعبه نك داخله آصیلدی . بنی هاشم بو تضییقاتدن طولای طاعلره التجا ایتمه و اوچ سنه متادیا طاع آره لقلرنده یاشامغه مجبور اولدیلر . بومدت طرفنده ، انحق کیزلی اولهرق مکیه کیره بیلیرلردی .

حضرت پیغمبرك ، عجمه سی ابوطالبك حمایه سی آلتنده بولمق سه ایه سنده انحق بو ثبات و متانتی کوستره بیلدیکنی ادعا ایتمکده بزم مطالعاتی نقض ایده من . زیرا کوریورز که حضرت رسالتپناه عجمه سنك وفاتندن سوکرا دهها زیاده ثبات و متانت کوستردی . طالبوکه اوصره ده خلق حضرت محمده دهها زیاده کین و خصومت کوسترمه باشلامشلردی اذیتلر اودرجه یه واردی که آرتق حضرت نبی طایانه میهرق کندیسنه ظهیر اوله حق کیمسه لر بولمق امیدله طائفه چکیلدی . بوراده دخی عین نفرت و تحقیری کوردی . مکیه عودت ایتدی . فقط فکرنندن تشبثاتندن واز کچمدی

اولکنندن زیاده کندیسنه خصم جان کسلمش بولدی . حضرت پیغمبرك بواحوالی جداً شایان دقتدر . چونکه کوردیکی احوال و معاملات ازرینه تعقیب ایتدیکی دعوتندن واز کچسه ایدی هرکسندن . آچیقندن آچیغه کندیسنه سویله دکلمی کبی - محبت و حرمت واکرام کوره چکی محقق ایدی . فقط نبی ذیشان بونلرك هیچ برینه اهمیت ویرمدی . شو حالده حضرت رسالت پناه نشرینه تشبث ایتدیکی دعوتك صدق و صحتیه و جناب حق طرفندن بو رسالت ایله مکلف اولدیغه صوك درجه متین بر اعتقادله قانع و مطمئن اولماسه یدی بونجه اذیتلره و حقارتلره تحمل ایده من ، واز کچردی . »

ایشته بو کتابك کرک مؤلفی ، کرک مترجی غیر مسلم بولندقلری حالده تربیه لری اقتضاسنجه اسلامیت ایله ناشردی شانی حقنده احترامده قصور ایتیمور ، حتی سویله مکدن کیری طور مایورلر . نصل که بزده کندیسنه دیگر بر ملتك دعوای آنتسابده بولندیغی هیچ بر نبی به حرمتسزلك ایتیمورز . دیناً بونکله مأمور اولدیغمنز کبی تربیه مزده بونی مقتضیدر .

« ایمان ایمانی جلب ایدر »

بومقدمه بوراده مرقوم دوزینك قلمندن بلا اختیار صادر اولمشدر . چونکه افاده سالفده سلطان انبیا افندیمرزک غایت متین و صمیمی بر اعتقاد مالک بولندقلری اعتراف ایدلمش ، وحق و حقیقتك تظاهری امر ضروری اولدیغی قابل اشتباه اولیان مواددن بولنش اولسنه بناء مقدمه مذکوره بر نتیجه طبیعیه اولهرق میدان چیقور . فقط بونی یازان قلم بونك احتوا ایتدیکی حقیقتی ادراك ایتمش اولسه یدی بوراده طورور ، مابعدی اولان اسناداتی در میان ایتمکدن عار ایدر ، اوتانیر ایدی . حالبوکه حقیقت معروضیه مابینتی آشکار بولنان شوسوزلرده یینه او قلمدن فیرلامشدر :

معاونتده بولونك ، حق طانیك ، تفرقه دن صاقینك ، دیدکجه ، سزبالعکس جهله رواج ویردیکنز ؛ مسکنته دوشدیکنز ؛ عطالتیه قایلیدیکنز ؛ ظلمی عادت ایدندیکنز ؛ بربریکزك کوزینی اویمابه قالدیشیدیکنز ؛ حقندن یوز چوریدیکنز ؛ نامتناهی فرقه لره آیریلیدیکنز . . . آرتق بو طوتدیغکنز یولی براقیکز . چونکه اوسزی اضمحلال اوچورومنه طوغری کوتوریور . شریعتك کوستردیکی شاهراه فلاحی طوتیکز . زیرا سزی قورتاره حق انحق اودر . ربنا آتنا فی الدنیا حسنة و فی الآخرة حسنة .

محمد عا کف

مدافعات دینیہ

حق و حقیقت

دوقنور دوزینك اسلامیت علی بنده کی اسناداتنه فارشی ربه

۱۰

نائل هدایت اولمدینی حالده حائز انصاف بولم نه بناء (تاریخ تمدن اسلامی) صاحبی جرجی زیدان افندی نوبت کلام بو فصله کاجه ایشك ایچنه فساد و تلبیس قائمه یهرق باق نه کوزل سویله یور . کتاب مذکورك ترجمه سندن عیناً نقل ایدیورز . دقتله مطالعه اولنسون . « بوموقعده براز طور و بده - تاریخچه تبعات اجرا سندن سوکرا - دعوت اسلامیه حقنده ذه زده تجسم ایدن مطالعاتی بیان ایتک لزومنی حس ایدیورز . غیر مسلم بعض محررلر حضرت محمدك (صلم) انحق ریاست و تفرد سوداسی منافع دنیویه میل و رغبت سائقه سیله ادعای نبوت ایتدیکنه ذاهب اولیورلر . بزایسه بو ذهابك حصولی تجویز ایدر بر سبب کوره میورز . ظهور اسلامیت تاریخی آچیقندن آچیغه کوستریور که حضرت محمد انحق کمال صدق و اخلاص ایله هرکسی دین اسلامه دعوت ایتمشدر . جناب رسالتپناه من قبل الله مرسل اولدیغه ، خلقی اسلامیه دعوت ایچون او امر الهیه تلقی ایتمش بولندیغه متین بر اعتقاد ایله قانع اولهرق اعلان دعوت ایلدی . ایله اولسه ایدی کندیسنی حقنده روا کورولان بونجه مقاومت ، انواع جفایه قابل دکل تحمل ایده مزدی . بنی شان اظهار دعوت ایتمه دن اول مکده بالجله اهالی نزدنده بویوک بر موقع حرمت و محبت مالک ایدی . کندی اقربا و تعلقاتی ده عموماً کندیسنی سویور و احترامده بولتیورلردی . کندیسنی دخی حضرت (خدیجه) نك ثروتی و اجرا ایتدیکی معاملات تجاریه سایه سنده مرفهاً یاشامق ایچون هر درلو اسباب راحت و یساری الله ایتمشیدی . حال بوکه اظهار دعوت ایتدکدن سوکرا هرکس کندیسنه دشمن کسیلدی . حقنده هر درلو اشکنجه و حقارت روا کورلدی . حتی اقربالری اولدقلرنندن طولای بوتون بنی هاشمه اظهار بغض و عداوت ایلدی . انلره مناکحات عقد ایتمه مک ، آلیش ویرشده بولنماسنه متفقاً قرار ویرلدی .